

L. infuscato Brullé var. *rufipenni* m. similis, colore pallidior, magis in ochraceum vel aurantiacum vergente, clavo externe limboque exteriori corii fere albicantibus, nec non scutello angulis basalibus exceptis rubro divergens. Caput latitudine cum oculis fere aequae longum, vertice oculo $2\frac{1}{2}$ latiore (♀), fronte convexa, clypeo basi a fronte impressione nitida discreto, angulo faciali recto, gula brevi. Rostrum nigrum, apicem coxarum posticarum attingens. Antennae articulo primo capite circiter $\frac{2}{5}$ brevior, secundo primo vix $2\frac{1}{2}$ longior et margini basali pronoti aequae longo, tertio secundo circiter $\frac{2}{5}$ brevior, quarto tertio $\frac{1}{3}$ brevior. Pronotum basi longitudine media fere duplo latius, disco versus callos sat fortiter convexo-declivi, lateribus antice acutis et crasse marginatis; strictura apicali articulo primo antennarum aequae crassa. Hemelytra utriusque sexus abdomen sat longe superantia. Pedes ut superne describuntur, tarsi inferne densa et griseo-pubescentibus, articulo primo secundo crassior et longior, tertio primo paullulum longior.

2. *Calocoris hispanicus* (Gmel.).

Var. bisignata n.: Ut var. *coccinea* Duf., sed scutello fere toto nigro, corio macula parva apicali nigricante.

Creta.

Var. vittata n.: Ut var. *confluens* Reut., sed macula corii vittaeformi, usque ad medium suturae clavi prolongata ibique cum macula clavi saepe conjuncta, apice clavi margineque interiore corii sanguineis; colore signaturisque *Dioncocori cruentato* Brullé nonnihil similis.

Creta, D. Holtz (Mus. Vindob.).

3. *Calocoris sexguttatus* (F.).

Var. reducta n.: Superne flava, loris, clypeo, macula magna discoidali frontis, margine postico verticis, pronoto callis, macula posteriore utrinque pone callum marginem basalem attingente, margine angulorum posticorum, basi scutelli, margine